



Agency for Development of Higher Education and Quality Assurance

Broj: 05-33-1-673-27/12

Datum: 09.09.2014. godine

Na osnovu člana 61. stav 2. Zakona o upravi („Službeni glasnik Bosne i Hercegovine“, broj 32/02 i 102/09) i člana 132. Zakona o upravnom postupku („Službeni glasnik Bosne i Hercegovine“, br.29/02, 12/04, 88/07, 93/09 i 41/13), a u vezi sa članom 49. alineja 8) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine br. 59/07 i 59/09), na prijedlog Komisije za ocjenu usklađenosti rješenja o akreditaciji visokoškolske ustanove Visoka škola za uslužni biznis Istočno Sarajevo-Sokolac, Istočno Sarajevo, a na osnovu zaključka sa sjednice Stručnog kolegijuma Agencije, održane 08.09.2014. godine, direktor Agencije *donosi*:

R J E Š E N J E
o upisu u Državni registar akreditovanih visokoškolskih ustanova
u Bosni i Hercegovini

- I. U Državni registar akreditovanih visokoškolskih ustanova u Bosni i Hercegovini, izvršit će se upis visokoškolske ustanove Visoka škola za uslužni biznis Istočno Sarajevo – Sokolac
- II. Za izvršenje rješenja zadužuje se Sektor za osiguranje kvaliteta
- III. Obavezuje se sektor za osiguranje kvaliteta da blagovremeno zatraži informaciju od Agencije za akreditaciju visokoškolskih ustanova Republike Srpske da li je visokoškolska ustanova postupila u skladu sa rješenjem o akreditaciji broj: 69-2/12 od 27.02.2014. godine.

O b r a z l o ž e n j e

Agencija za akreditaciju visokoškolskih ustanova Republike Srpske dostavila je Rješenje o akreditaciji broj: 69-2/12 od 27.02.2014.g. kojim se potvrđuje standard kvaliteta rada Visoke škole za uslužni biznis Istočno Sarajevo-Sokolac sa periodom akreditacije od pet godina. Tačkom 3. dispozitiva navedenog rješenja obavezana je visokoškolska ustanova da u roku od 12 mjeseci od dana izdavanja rješenja unaprijedi strukturu sistema unutrašnjeg osiguranja kvaliteta i dokaže njegovu efikasnost kroz izradu samoevaluacijskog izvještaja i otklanjanje ključnih nedostataka, te da napravi plan usavršavanja akademskog i neakademskog osoblja u skladu sa preporukama Komisije.

Komisija za ocjenjivanje usklađenosti rješenja o akreditaciji imenovana rješenjem broj: 05-33-1-673-23/12 od 31.07.2014.g. je zapisnikom broj: 05-33-01-673-26/12 od 07.08.2014.g., a na osnovu Instrukcije o načinu ocjenjivanja usklađenosti rješenja o akreditaciji s minimalnim standardima iz oblasti visokog obrazovanja i kriterijumima za akreditaciju visokoškolskih ustanova u Bosni i Hercegovini, broj: 06-02-1-766/11 od 04.11.2011.g., izvršila ocjenjivanje usklađenosti rješenja o akreditaciji visokoškolske ustanove Visoka škola za uslužni biznis Sokolac, Istočno Sarajevo, sa Odlukom o normama kojom se određuju minimalni standardi u oblasti visokog obrazovanja u Bosni i Hercegovini („Službeni glasnik Bosne i Hercegovine“,

broj 100/11) i Odlukom o kriterijumima za akreditaciju visokoškolskih ustanova u Bosni i Hercegovini („Službeni glasnik Bosne i Hercegovine“, broj 75/10 i 44/13), te dala prijedlog da se izvrši upis ove visokoškolske ustanove u Državni registar akreditovanih visokoškolskih ustanova u Bosni i Hercegovini, a da Sektor za osiguranje kvaliteta blagovremeno zatraži informaciju od Agencije za akreditaciju visokoškolskih ustanova Republike Srpske da li visokoškolska ustanova postupila u skladu sa Rješenjem o akreditaciji.

Cijeneći prijedlog Komisije osnovanim, a na osnovu člana 7. Pravilnika o vođenju državnog registra akreditovanih visokoškolskih ustanova u Bosni i Hercegovini („Sl. Glasnik BiH br. 91/11) i zaključaka sa sjednice Stručnog kolegijuma Agencije od 08.09.2014.g., odlučeno je kao u dispozitivu.

Pouka o pravnom lijeku: Protiv ovog rješenja može se izjaviti prigovor direktoru Agencije u roku od osam dana od dana prijema rješenja.

Dostaviti:

☞ Sektoru 05

2. a/a



DIREKTOR

Husein Nanić